

卷十五

書名 烏鼠山人小集十六卷後集二卷 嘉靖十八年刊本
 撰者 明 胡纘宗 撰
 卷 卷十五
 內容分類 集- 別集- 明中葉
 索書號 集部- 別集- 7- 40
 編號 D7433900

[彩色首頁1](#)

[彩色首頁2](#)

[東洋文化研究所漢籍目錄 編號: D7433900](#)

[東洋文化研究所漢籍目錄所藏漢籍善本全文影像資料庫 索書號: 集部- 別集- 7- 40](#)

[漢籍善本全文影像資料庫文本烏鼠山人小集十六卷後集二卷 嘉靖十八年刊本](#)

版權所有: [東京大學](#) [東洋文化研究所](#)

[使用上的注意事項](#)

烏鼠山人後集卷之一

諸子胡祕 諸生關畿校

體四言 長短句附

我結

贈籍野馬翁以進也翁 肅府引禮舍人

我廬于籍之西嶓山連阜天水循谿秋空倚

我杖藜澄波鯉躍修竹鸞棲我觴我友于籍

我社于籍之東西望義闕北眺軒宮卦爻穆



烏巢山人小集卷之十五

鄉進士益都宋廷舉

國子生東萊丘休

後學生麻城劉淵 校編

行狀

王宜人行狀

宜人姓王氏肇昌秦人予外舅國子監學士文海宜人生有異兆人竒之咸曰恨不為男子甲甲雖人多有其門觀者宜人雖未中獨不出閨居不妄言笑女朝之曰女人言笑維何弘治癸亥歸于予家年十有六矣予入太學質爰空宜人盡解所佩費之不為動

米糲甚予勉之笑曰是非古所謂糟糠邪予仕爲
討矣猶恨不能養親宜人曰苟未仕親將不養邪予
時祭先太宜人凡所烹薦宜人必躬爲之爾祭致敬
無異於執禮者予言動苟有失必從容謂予曰君友
某某曾如是否一日予有悔色曰無乃失言乎然悔
之是矣孰若無致悔凡置服飾必倍之予問故笑而
不荅乃後娣姒並出服飾咸無異鄉里驚羨焉予判
嘉定守潼川得迎養封郎中家父今太宜人家家母宜
人敬養之至出於天性家君嗜炙肉爐餅宜人每爲
備苟素之必不爽或得罪太宜人必婉容以請過太
宜人加憐焉凡所入俸貲必以聞於太宜人而不敢

私偶至尼庵見佛獨不拜諸女客曰何也曰彼男子
爾且聞西夷人也予諸弟與其友講學會食每供必
豐而潔久而不懈焉諸弟有所需無不遂其所欲得
者予來南京將別諸弟諸弟人欲予所服絲衣一襲
太宜人曰盍請之而凡宜人口與之而後請可也乃
與之予繼自外至二弟陽以衣請予曰盍與之宜人
曰與之矣太宜人諸弟相顧一笑予爲季弟婦納聘
宜人見之便解所佩之半貽之弟婦予在戶部因會
飲而傾聽樂復有悔色曰此無難會飲而有樂者不
赴不一再而其過改矣母徒悔予改吏部進曰君每
多談論然談論多必有失今居銓部不當加慎邪凡

赴宴諸女客見宜人至輒歛容無譁賊濠兵起于憂
之宜人方卧病曰吾獨無慮予問何也曰天下皆安
此賊豈能獨使之危邪夫宜人者有善人之資者也
識道義知事勢實予所不及舉止厚重望之者起敬
竟日與之處不輕語諾苟有言又確然適宜不信陰
陽之說不佞佛太宜人嘗曰吾未見不信神與佛如
吾家婦者飲食衣服安於儉朴絕不事華靡敬愛舅
姑恭而誠處諸弟孀敬而有禮故諸眷屬悅而慕之
有愧服者自歸予家十有六年相友敬如一日予溺
愛子初宜人獨以嚴教之於初裳服戒不與華麗嗟
乎若宜人可以為難矣不幸三十二歲而早卒也於

乎痛哉弘治元年十有二月二十有二日宜人生正
德十有四年三月十有三日宜人被 詔命受封是
年九月三日宜人卒有子一初也卜以某年月日葬
宜人于南村先塋之次謹述宜人之言與行為狀敢
求立言君子采而銘之庶使將來知宜人也

先大夫行實

於乎痛哉續宗尚忍狀我先大夫邪先大夫行業磊
磊起於秦隴著於蜀秦隴人稱之蜀人懷之於乎痛
哉續宗何能狀我先大夫邪先大夫諱士濟字澤民
故渭州人又云漳縣世遠牒逸今無考先高祖諱鈞
自渭徙秦人言為渭巨室避亂之秦著姓胡氏因家

焉然性倜儻而又審識事勢能自立謂人曰大丈夫
當自成家勿徒襲故爲也故遂起家於秦先曾祖諱
海剛嚴重厚不詭不阿處家庭如賓客御子姓如官
府人見其倜儻而又故巨室也咸尊禮之蚤歲折節
力行謂功名可立就及長而有所感乃隱居於農云
卜築縣南垌日坐柳下見過者有菜色即飯之愈廿
年不替飯者日衆感者日加云先祖諱璉字大用少
爲秦邑名士工古文辭以毛詩鳴于隴西舉鄉試不
第景泰間以國子生仕爲南皮知縣至南皮喟然嘆
曰夫令司牧者出牧不以子非令矣乃與百姓處如
家人父子然及御豪右則又毅然臨之故畿內蝗

皮獨不食禾黍水南皮獨不災民屋火禱之而隨熄
盜非衆大不入境有入境而告以不忍犯者故終其
任南皮無間言知南皮九載屢疏乞休不許旣考最
乃卽吏部懇以疾請吏部嘉其去就特 奏允之旣
致政道南皮南皮士民攀送者日不絕於道云生子
七長士源次士清次士潔次士溫次先大夫次什邡
知縣士淇次縣學生士淳先大夫性醇而慧少有大
志故獨爲先祖所鍾愛及遊邑庠與六叔父皆以毛
詩稱於闕隴聞岐山張先生精於詩又偕往學之而
其說益長按察戴公稱秦之士必曰胡某胡某言屢
舉於鄉不第乃以詩淑諸後人而從兄吳縣丞紹宗

國子生繼宗縣學生繼宗乃皆以詩著于秦云未強
仕貢於京師慨然欲卒業國子以友天下士而先宜
人病不起咸化丁未九月癸丑也先大夫不能留乃
仕爲成都縣學訓導云至成都期以恩義結人乃以
子弟視諸士子而諸士子亦以父視先大夫諸士子
有學行者加意遇之皆取高第爲蜀名人貧者且給
俸卹之至各成立弘治初蜀中饑御史令監糶於西
門歟平若直饑者咸歸之然直亦不爽諸生高文質
者蜀邛人也以文學交藩臣其某得罪 蜀王逮及
文質先大夫立 王門啓曰其誠有罪然罪在某不
在文質文質可無罪逮及 王聞之爲釋文質御史

爲儒官而獲此此過人遠矣至於今以爲美談既考
最進鹽昌縣學教諭尋丁先祖母李孺人憂服除復
除雙流縣學至雙流得專其教矣乃日以舉子業課
諸士子而必先之以孝弟忠信故諸士子長於學者
什六長於舉業者什四兩受臺檄署雙流縣事以平
易爲縣人所戴民間有弗馴者父老必曰何類見胡
先王縣官偶闕雖未有臺檄人亦以事歸先大夫故

雙流士感者什六民感者什四民馬其盜以去尋
并羸獲之而責於庭曰何為為此盜對曰非貧何為
此曰省采必死此死全盜謝曰知死矣知死矣曰汝
能改予亦能縱汝盜泣下有悔色乃解其縛釋之盜
至哀向天拜曰胡公活我教我我復為盜乎商蒲銘
奇金若干兩銘隨卒於叙州先大夫召銘于萬金於
秦州歸其喪萬金辭去先大夫撫之曰其父有餘賞
不對曰無再問之對如故先大夫泣曰君翁忘之矣
乃以其金歸萬金正德戊辰續宗舉進士官翰林又
明年適先大夫九載秩滿遂致政歸隱續宗南京戶
部郎中改南京吏部白安慶府知府



政蘓州自山東左叅政改浙江皆教以書曰爾才本
劣其何可勝繁百倍其力可也不然毀且來矣而續
宗卒不能如其教先宜人姓李氏國子生諱玘女也
自歸先大夫日事耕紡以給先大夫事先祖母朝夕
懇懇不知懈自少精於女紅邑中女紅以先宜人為
最而中饋充長凡家事皆自領之故先大夫得盡力
於學邑人不能製領緣先宜人索領緣視之明日製
領緣以眎邑人乃不幸客死京師年才三十有六也
於乎痛哉正德戊寅續宗以郎中考績先大夫及先
宜人今宜人趙母咸封贈如制

今上即位詔臣工父母既封贈者服色如其子先

大夫及先宜人今宜人以續宗官安慶得加四品焉
先大夫美容姿健談與人接和氣粹然性樂易未嘗
與人忤故人樂與之交然交者多當代名公才士素
好客客至卽置酒爲樂或雅歌投壺雖秉燭敲碁至
夜分不倦里閭中有隻鷄斗酒必延先大夫而先大
夫亦不拒眷戚中有吉凶事必主先大夫伯叔父之
子未婚娶者皆婚娶之於諸伯叔父融融如也敬諸
伯母如兄撫摩諸子若孫如恐傷之壽八十有四矣
而耳目齒面皆如壯年縣學生兄子瞻補復孫蔭也
苟以舉業質難循口授焉嘉靖壬辰四月壬寅卒無
疾而卒而續宗乃獨不能稱祝棺斂於地

子男四長續宗今爲山西右布政使次正宗次可宗
次在宗可宗先大夫卒女三長適通判孫述先夫
義官董瑩次高第孫男七長初次擢次被次秘次秩
次初次祜女一孟姬正宗可宗在宗初皆克縣學生
學鄉舉餘皆幼十壬辰十有一月庚申葬先大夫於
南垌邢家村先塋之次敢求大君子一言以明先大
夫家世行業有可敘述者云

墓志銘

明處士王公合葬墓志銘

處士諱瑀字佩之其先山西臨人也曾祖二老始徙
軍弘農以功陞弘農衛總旗遂爲弘農人二老子順

順子剛剛有壽德于鄉而又有壽故今為壽官剛生
處士瑀處士真實謙退幼敏慧強學以一子養乃日
殷于家務乃遂不仕親養之暇乃又學不倦以禮記
課諸子曰與講畫至有得則忻然喜曰而輩勿徒以
此干時名為也及二子成立嘆曰雅欲以此養親今
果然事壽官愉愉悵悵思母氏至十八年每食猶泣
下至卒猶曰吾始不能養吾母今又不能養吾父以
死吾徒以死矣吾徒以死矣於乎觀處士豈非感慨
之士哉孺人時氏亦弘農人歸處士家頗不克孺人
裕如也姑性嚴雖待處士不少寬假而孺人獨能論
姑意得其喜心鄉人稱羨焉處士卒于正德己巳上

月四日壽五十五而孺人先處士十六年卒為驗治
甲寅二月二十二日也年三十八子男四縉先卒次
卿甲子貢士次畿陝學生次言戊辰進士女三長歸
毛氏子鑾次殤次幼孫男二承芳次幼女一卿等卜
以處士卒之年十月十五日啓孺人之墓與合葬而
墓在城郭上村為之銘曰吾父延于齒養以吾子榮
以吾子吾可以死

劉母孺人墓誌銘

吉安安福人劉處士舜配壽官王叟攸介之女為劉
母孺人孺人歸處士三十有七年處士死孺人孀處
卒三十有九年矣乃抱節而終孺人淑溫能解書

傳大義以勤儉相處士令不慮家累舅懷德翁卒哀
哀懼懼相處士以舉喪葬咸適禮度處士病不起毀
痛幾殞絕既襄事謂戚屬曰吾未亾人也所不亾者
盧墜先緒耳乃絕不理朱鉛不替處士之家事姑蕭
媪能遂其意伺不忤也每當舅姑已歲必肅恭不失
禮制雖疾病不少懈也教誨諸子姓不減處士之勤
子鵬卒舉進士鵬舉進士得奉使便道歸省謂鵬曰
吾手誨汝吾及今見汝成名吾百年後可見汝父地
下矣他不願惟願汝盡心國事終汝所學毋慮我爲
也毋慮我爲也於乎若孺人者其言可誦而行靡不
古所謂賢母者非耶孺人卒正德四年十一月三十

日卒纔三月鵬亦卒於京師可慨也子男四溫璘溫
時鵬刑部陝西司主事溫璘女一適里人王宜冠早
卒孫男六詔誦誨縣學生諱習舉子業課誠女四曾
孫男五女一十正德五年月日葬廬陵縣三十七都
仰天湖形山之原從處士兆也銘曰于處士節于刑
部慈節斯慈斯孺人之若斯湖山壽而

明工部主事樊子墓誌銘

續宗同年自戊辰之庚午未三歲而卒者已十又八
人樊工部其一也於乎痛哉庚午八月二日樊工部
卒同年若馬刑部允中王戶部崇慶陳刑部維藩咸
哭之不能已且謀歸其喪其家將以九月某日葬于

其州先榮於崇慶志之續宗銘之志曰工部名守
愚字謙甫真定府冀州人也七歲喪其母范氏孺人
即能號哭匍匐跪柩下朝夕不去弔者為之哀痛有
默奇其不類者十歲讀論語孟子能質問大義讀孝
經至曾子問輒流涕不食人問之則曰吾母已矣吾
今不獲養吾母矣十又九歲補州學生陳侍御提學
愛重之言冀州之才士必曰樊某樊某云二上有六
歲以詩傳舉于鄉明年遂舉進士舉進士尚少人望
之固老成人且退然若不能言者至接其言論又嶢
嶢不屈焉又明年官工部屯田司主事未旬月政務
修舉又若素諳吏事然者其為文冲澹平易而其詩

特學唐杜子美故人亦謂之樊工部云官工部未一
年病嗽逾月遂不起春秋財二十有九也於乎痛哉
若工部者其容于予而氣徐徐固遠大器也而遽止
是惜矣高祖未慷慨少有大志不仕曾祖貴善居室
有貲日與鄰里宴樂終身祖景賢生而勤勵時或獨
坐一室左右圖書宴如也父友太學生德朴而淳讀
書務窮理盡力侍親罔有攸墜至工部遂爾昌大是
非其積累也哉母先范者張氏繼范者孟氏繼孟者
亦孟氏配謝氏未有嗣女二尚幼銘曰積之者長蘆
之者臧發之者祥斯億萬年以永厥藏

明淑人黃母墓誌銘

秦州衛指揮僉事宰姓黃氏山東兗州府單縣人也
淑人宰之母也母之父秦州衛指揮同知福姓張氏
宰之兄賓賓之父俊淑人其配也俊之父鏞鏞之父
統統之父璧璧之父成自成而璧而統而鏞而俊而
賓而宰凡六世咸有武勲云按譜成元千戶也既歸
我主將遂從我主將攻常州掠寧國取諸暨克紹興
靖浦城乃選補小旗又克桐廬富陽徐杭州乃又選
補嚴州總旗命守松江洪武初以靖閩廣功授山東
濟南衛試百戶尋實授百戶既老子璧嗣既授百戶
尋擢陝西秦州衛指揮僉事蓋追錄其功云既老子
統嗣宣德間隨主將尾達賊于蕪武臺與戰獲賊婦

三及牛與馬受厚賞焉既老子鏞嗣未任而卒子俊
幼而其第銘長銘乃代襲襲數年而俊長俊復嗣焉
屢備虜於靈夏莊浪不避辛勞逾四十年以疾卒子
賓嗣弘治初備虜莊浪戰賊於火石溝死之無子弟
宰嗣人言黃母為名家女又為名家婦端莊靜一守
之終始相失而立誨子而成階曰淑人名稱情矣又
言俊質朴莊嚴不事華靡而且老成其於武弁蓋無
媿云賓美容貌不受羈的侃侃有豪氣卒死於戰鬪
而不悔於乎壯矣予見宰強於武畧殊有氣節儒紳
文士勿與之厚至於守已不取雖文士不勿讓焉由
是觀之淑人之相之誨夫豈不足徵邪子男二賓娶

郭氏宰娶蔣氏其季曰實娶陳氏女三長適席千戶
武次適蔣指揮廷美次適王舍人輅孫男一女一俱幼
正德五年月日淑人卒年六十四正德六年六月日
將啓先揮使之兆安淑人焉宰與續宗交也久續宗
雅重其不取續宗被謫入蜀宰以銘託焉乃寄其銘
銘曰有功有功積者懋矣有爵有爵嗣者表矣有子
有子死者安以壽矣

明壽官周翁墓誌銘

宣德九年春三月二十日周翁生正德十有一年秋
七月二十有五曰周翁卒蓋八十有三歲矣正統三
年春正月一日周翁之配袁母生正德五年十月一

月二十有一日袁母先周翁卒蓋六十有七歲矣翁
諱詡字有和其先曰則安永豐人也有子曰宗徒來
居西安適爲西安人矣有子曰謙曰謹曰訓及翁翁
取于母未有出卒袁母其繼也于袁皆咸寧人有子
曰思忠曰思敬有孫曰治浹曰治休曰如江曰如金
曰如玉思忠應天府治中也治中履任之明年分廩
于西安以養翁財一月也而計至矣於是南京戶部
員外郎東氏希節爲翁爲狀治中懷以付續宗曰銘
吾先人者子矣續宗治中同年友也雖不知翁蓋嘗
聞翁矣狀有之翁與其兄謹自爲童子時皆能讀書
且穎悟里社中言俊秀者周氏子某也某也謹與于

鄉爲翰林待詔翁迺遂以家務代諸兒矣治家大小
大難易皆身親任之亡間於祁寒盛暑曰吾非欲必
饒吾不欲吾身懈怠爾事其母馬衣食必致其潔馬
母年九十艱於起居翁旦暮侍之唯謹馬寢處弗安
袁母時扶抱焉飲食衣服壹切儉朴見人務華靡復
爲之蹙然御諸子姓皆令知真誠勤苦有弗率志者
即杖之不赦治中知句讀即擇傳教之丁寧其傳必
以嚴教治中每月朔必潔飲饌食其傳歷數年弗輟
成化末關中饑翁用度雖歉而給治中之力不衰翁
以饑往賈于襄漢之間袁母慮治中負翁恒使人廉
之知治中學弗輟迺已治中夜讀每至夜分母待之

亦每至夜分讀少懈必責之曰而忍負而翁而忍負
而翁及治中領鄉薦翁輟然曰吾休矣治中以養親
入選爲清源諭翁謗之曰凡吾與若母兢兢以誨汝
者不以居官也然居官豈易哉清慎勤闕一不可故
清源之教信而有章迺進而爲尹巴之政特立而不
群迺進而爲守廣安之政嚴以平裕之政和而毅迺
進而爲京兆治中翁之澤遠矣初文部薦全蜀廉吏
獨取巴縣尹翁聞之愀然曰兒其竭力哉文部惟用
人罔薦入今薦汝汝何以稱薦者兒其竭力哉今于
京兆清苦之轂藉藉翁猶時以書戒之曰善始非難
令終爲難貞身者始終之道也其慎諸其慎諸於戲

若翁疾幾亡媿於其身以及其子矣袁母之葬在正
德七年二月十有五日翁之葬在卒之明年二月三
日葬之地在孟村之北岡爲之銘曰肇爾篤裕爾樸
闢爾巖衍爾廉昌爾祉億萬其若祀

明中憲大夫太僕寺少卿致仕都公墓誌銘

吳有大雅君子博物洽聞砥礪行淵激玉潔蔚爲
醇儒蓋都公其人也公諱穆字玄敬仕爲禮部主客
司郎中年五十有四即上書乞骸骨歸許之加大僕
寺少卿致仕維時京師大夫士見公之歸無留資於
囊無田廬圃墅於鄉蕭然戒行視棄官爵如吐唾無
毫髮顧藉心爭挽之不得吳不交歎以爲公真賢豪

於人歸而攻苦食淡寢臥圖籍與相娑娑嬉遊屏事
片騶掃迹公府以著書爲業或放逐山水真搜遐寄
如是者十餘年嘉靖壬午以撫臣薦進階中憲大夫
又三年年六十有七卒實嘉靖乙酉九月二十二日
其子元翁等卜以卒之年十二月六日葬公花園山
續宗屬守吳得與其凡後事而又屬之以銘重以工
部主事伍君疇中之狀迺不獲辭而爲之志曰都氏
之先爲丹陽人有遠祖稱丹陽先生者仕宋爲尚書
吏部郎中由丹陽徙蘓居吳縣南濠里曾大父文信
大父彥和父印封工部都水司主事母朱氏贈安人
公七歲能詩及長不習章句汎濫群籍杜門篤學者

幾二十年屢空宴如絕意進取名教大噪吳下巡撫
都御史何公某提學御史林公某忤其名強之應舉
公乃出以是秋乙卯領應天鄉薦己未第進士甲子
拜工部都水司主事階承德郎未幾丁父憂服闋復
官工部分理器皿廠廠事故旁午夕靡費公則鳩匠
會計小大贏縮惟其舊有不便輒弛去匹馬入解自
齋米蔬廠人掘地得金貯之庫吏有私請者公斥之
曰若曹何敢汚我已而巡視京城浚渠繕壘事咸集
丙寅改南京兵部武庫司庶幹如工部日辛未復官
工部陞虞衡司署員外郎壬申迺進禮部職主客諸
夷入貢使者充館公柔遠有道 國體以尊 慶陽

三如憲冊部公副崇信伯費公某往使之贖以贖幣
拒弗受便道躡終南巔尋過晉陽登華嵩兩山抵少
林濯溫泉轉入王屋以及三山砥柱龍門伊闕囊括
其勝洩之詞詩徜徉而返公性友愛養孀妹撫孤甥
恤幼弟皇皇如不及文祖韓歐詩宗陶孟尤長於纂
述故郡人稱爲南濠先生其行於世者曰南濠文跋
南濠詩話玉壺水聽雨紀談職于家者曰南濠詩略
文略實話史外類鈔周易考異金筵琳瑯云距其生
爲某年某月某日配徐氏封安人先卒子男二元公翽
次翁俱府學生女二嫁太倉州學生陸之箕太學生
陸承孫一曰祖齡維公束髮好修奮師古人完德遠

學星列海內受知 兩朝贈貤有赫風流儀矩興懷
後賢雖老于食貧不可謂不遇也是宜銘銘曰
群鳥爭擊鳩雛迺鸞炳其五色羽儀翩翩覽德而下
終息丘樊矯矯太僕光耀璵璠蟬蛻汚濁霞舉雲掀
獵精吐靈綜古立言飲水飯蔬清風麗然代有作者
興懷文園

奉政大夫廣西按察司僉事李公墓誌銘

正德己卯九月二十日李大夫卒于官厥嗣祖跣匍
匍扶其喪踰嶺阨南至明年四月四日葬太湖縣司
空山大夫皖人也予守皖則屬之銘又三年予改守
蕪未及銘也嗣子自皖來請益堅乃發墓志而銘之

大夫諱溥字元利其先家番禺元徙皖之太湖高祖

萬一曾祖友敬 國初黜面避徵祖德富考璋陰陽

正術母秦氏大夫自弱冠以明經進隸學官弘治戊

午領鄉薦壬戌登進士授行人敦 魯潘喪事再宣

詔于魯不辱命還拜刑科給事中名能敢言嘗疏陳

六事正德戊辰出按陝西邊帑與逆瑾忤轉浙江按

察司僉事適浙東盜起大夫奉 璽書勦平之分按

浙西革囂訟崇婚禮尤善摘姦伏會星變出揚州分

大夫曰杭必災戒民儲水守璫故沮之弗為儲已而

果災以齟齬復調廣西僉事即日就道值撫江士孫

為患平之龍田蠻酋相繼殺決策戡定遐方載清運

樹峻功譽日赫起臺臣以聞有 詔加祿一秩未幾
竟不祿惜哉春秋五十有九距其生爲天順辛巳娶
丁氏封孺人子男四人良材國子生良機郡庠生良
楨良模女一人適鄉進士韓選孫男一人憲臺女三
人維大夫發跡甲科官禁近光顯矣旣以不阿擯在
外盜奮厲事功而卒弗究厥施以死是宜銘銘曰
矯矯爭臣騫于 帝旁衆口弗調佚我朱方乃鍛
乃奮風紀益張指麾玉符蠻旗屢降錫祿崇報
天聰弗爽六轡方閑折軸敗箱丹旆翩翩聿來沅湘
位弗究德其後之昌我銘不亡炳列玄堂

封承德郎工部營繕司主事伍公墓誌銘

胡績宗曰深山大澤實生龍蛇信哉績宗忝守吳吳
故效賢豪長者獲與之交若工部營繕司主事伍君
疇中尤炳炳有聞矣因疇中又獲交其先主事可雲
翁然後知疇中之賢蓋胚胎前光矣淵乎其有自哉
翁以嘉靖丙戌四月八日卒卒之年十二月二十四
日將葬龍池之山疇中謁狀績宗屬之銘曰子嘗辱
知先君矣微子銘則先君何賴不肖何賴績宗讀其
狀則爲之叙其世次官爵行事以顯銘之吳之有伍
自胥始然歷千餘年莫可譜矣翁之高祖諱德 國
初以賢良徵爲湖州府經歷祖諱常以高年拜章服
父諱璠母倪氏翁諱銀字允剛少業儒弗果成去業

農父之乃鳩天下商以時皆遷擅有牢盆煮海之利
家用以裕然有入即歸諸母弗自私一錢未復歸諸
主進長子雖妻亦不私一錢性至孝父母有疾祈以
身代執父母喪歛葬奠哭率用朱子家禮晉人有寄
五百金者其人死金無左證翁召其家人歸之弘治
間水數侵吳歲太凶翁帥為勸分有司官之則不欲
大盜南窺三吳郡守咨策翁特告以督義兵備儲胥
數者多見采納有子二人長曰餘慶次曰餘福即營
繕君疇中也疇中絕類髫時已知名翁磨礪飭督王
錯刀礪積久後發遂登正德丁丑進士第出補長垣
令翁嘗一臨之謂曰吾自有先人田廬可養父廉毋



飲會泉毋蔭惡木毋忘此官三事之法疇中襲厥訓
三年政用成 召拜工部主事會 聖天子推恩

臣下封翁官如其子官疇中嘗以言事得罪幾貶
翁遺書誡之曰此吾父子所以報 天子也一死

同惜疇中既不死復官則又曰女其益堅乃志以終
報 天子翁自顯拜後非公事不一抵官府嘗過

延陵吊季子墓叩華陽宿陶自白隱居渡江而東覽
金焦返而尋西湖採禹穴飄然鴻舉有不羈之心而

時人莫識也享年七十有四距其生為某年某月某
日配李氏封安人先卒二子餘慶娶吳氏餘福娶顧

氏繼金氏女適沈文孫男孝光忠光光壽女孫皆幼

銘曰

楚胥渙奔枝蔓于吳歷禊載千世哲魁殊竭竭營繕
朴茂碩膚彼利而捷我義而紆葆光頽如獨與道俱
有子象賢秀挺萬夫首之明堂天馬騶虞有錫自天
命服丹朱祿壽並登收之桑榆高朗令終式瑾式瑜
我銘其幽永矣弗渝

琴泉汪君墓誌銘

君諱景楠姓汪氏其先出唐越國公華奕世不顯遠
有代序在勝國有諱孔昭者實為松江財賦提舉官
君八世祖也君之曾祖諱振祖諱禧皆不仕父諱榮
富始入粟拜七品散官丹程氏君世居歛之東郭生

學師悛孝經即通天指服膺以識不忘其
奉畫衣輒弊壞初寡兄某日禱家廟冀祝厥尔而
宗茲果應祝而生其喪曾祖也至不御酒肉事其
如事父愛且敬恭而有禮醫藥必慎歸省以時葬祭
心盡其必哀毀無踰節友其弟景茲外內無間三景
茲先卒字其子燁如已出終不析居訓三子咸克有
成君局度寬和樂施予族有困窶者即授之金無問
賢不肖各足其俯仰而後已祖姑有子貧不能養月
給石米冬夏致衣不足再給之薪有荷屨而市菜者
問之曰吾母老矣而家又甚貧吾日齋十屨也而且

無以爲養是以哭耳乃授之屨四錢逾月不戢亦不
逆其詐嘗主于吳之場吏他日吏以誣繫于獄則爲
之免之其寓丹陽也歲歉出粟五百以賑流民輕財
好施類若此而又不苟取至以遺金投諸淵其所爲
禮一取法朱子祭有祠敬義有堂宗有譜祭田五十
墓田五十而自養者不與焉初君從例補武功爵衣
緋束金而益自縱曠遨遊江淮間所交多王公大人
歸則牙籤錦軸爛然盈几又多蓄古圖籍諷咏其間
暇則以琴自娛故自號曰琴泉所居有天趣園園有
池有亭有堂有谷有坡有塢環以蓮竹翳以栢桂雜
以茵芝而綴以花石方將老焉而疾革矣卒之日蓋

甲申十月八日也享年五十有五室江氏子三日輝
曰燦曰煒燦爲國子生與子知且父且獲觀其所編
紀年及太僕之都公行錄也故爲之志且詳噫吾於
其事親也得其孝撫弟也得其友睦族也得其義好
禮也得其恭至於富而不溢貴而能降橫逆而不報
是亦足以銘矣銘曰

誰之弗如而邦家弗以羞壽再弗羸而夙寔于丘命
也斯斯豈其未昧以告後人尚力穀無對

中憲大夫雲南鶴慶軍民府知府林公墓碑

中憲大夫雲南鶴慶軍民府知府林公年七十有一
以嘉靖甲申十一月廿又七日卒明年乙酉四月二

十日葬夏寨山之陽其子翰邦衰經徒跣走千里抵吳請爲公表其墓於蘓州守胡績宗曰先公游宦且南北萬里交天下賢豪長者多然獨於先生嚮往焉不肖與先先漢傑幸執業爲弟子揭德振華以永我先公之功烈俾我後之人奉以弗墜非先生則誰文者績宗曰余忝翰林時與而父游而以而父命師我今有十八年于茲矣不可謂不故余何能辭公諱恂字宗魯東牟棲霞人也曾大父伯高大父瑄父茂母紀氏公生十九年爲成化甲午領山東鄉薦弘治甲寅選貳南陽府南陽多巖田贍賦而民習偷梗至負大司農粟芻四十一萬洪洞韓公撫河南委以督部公

精奮嚴約痛剔垢弊不數月而最當道刻公爲能吏丙辰丁父憂已未服闋改貳大同府大同邊朔要害公至數值韃靼內侵臺巡數委之公公則廉虜情調軍儲築屯堡蚤夜不遺力用是相有厥績主者論功於朝有文綺之錫銜命憲臣自都御史以下旌獎凡八疏以績擢守鶴慶府其俗狠剛囂訟古稱難治而公帥以禮法不鄙夷其民民用化新川雲之交土夷相讎殺叛擾當道輒檄公治之人以爲危公曰豈古所謂盤根錯節者耶單騎突入其巢布宣天子威德用命不用命福禍蠻人感賊境以帖寧按使者列上其事君無何以微疾乞身歸歸日與舊故



陳琴瑟觴俎談道義爲樂生平慕學問所在林香讀
書以儒務治類尚儉素飲享管服無腆與人坦易易
從孝友嚴懇訓子孫以力田孝弟業舉各有條法生
景泰某年六月五日配于繼揚子三人翰卿內蓄丞
翰傑諸生先卒翰邦壬午貢士女二人孫三人女孫
四人曾孫二人維公精幹勤朴操利握銳斬割中奏
稱吏材焉未罄厥施而韜其餘以沒委社不匱尚有
遺於後之人哉尚有遺於後之人哉

前鄉進士梅庭先生墓碣銘

嗟乎吾於梅庭未嘗不廢卷竊歎也有才而未究厥
施不甚失而蒙奇禍嗟乎梅庭何爲而遂至是邪或

曰所處非地故譽不終所遇非人故愛不終是不可

太息邪按狀梅庭姓徐氏諱圭字禹錫初字信卿常

郡江陰人也號梅庭曾祖本中國初以才徵不就祖

景高隱居梧塍父鼎成化癸卯舉爲鄉進士後拜永

州府推官有聲永州梅庭少俊穎兩目炯然可愛不

類他兒及長尤精敏過人永州奇之梅庭亦自負不

凡孳孳誦讀無間寒暑晝夜日經史不淹貫誦讀何

爲日作文千言穠郁而雋永尤長於舉業永州見之

喜曰徐氏其異乎弘治間充弟子員有司試得其文

曰今代人龍也乙卯遂取應天高第與其弟司務弘

道有名應天旣赴試京師道遇一士人掠于盜爲解

囊郵之已未再上禮部有流言舉人某某私干主司
某給事廷論之某梅庭兒子也因及梅庭乃與給事
俱下獄給事詰難某而梅庭應答如響給事驚曰君
學如是才如是逮及之誤爾 詔廷鞠之嚴甚事且
白竟以奏辯不實與給事俱得罪梅庭既家居雖不
廢詩書然專事家人生產僕宗源趙銷能覘人喜怒
永州親信之永州既之任梅庭初歸源銷縱方熾駸
駸爲不法事無度梅庭痛抑之諸出入放納皆繩之
源銷不得肆與其黨謀曰事洩吾屬無死所矣乃反
間於母吳孺人吳孺人疑且信焉乃走狀於永州爲
不根言速永州歸云不歸當有他虞永州信且疑焉

梅庭不之知也梅庭之侍者勉有過咎之偶及某母

其母永州故婢也乃反間於永州永州信焉一日群

羊踐于田群犬食于噐永州見之怒遂作畫則若羊

斃若犬而怒益加梅庭避弗見既明日叩于門問故

給者曰不復怒也梅庭入永州推擊之濡血狼籍梅

庭稽首請罪求故永州怒乃平已乃入卧內諸僕遂

乘之拜梅庭于廩詭以永州之故群苦之梅庭垂亡

猶仰天歎曰盜憎主人鬼覘富室有是哉遂絕時雷

電遶室遠近駭異永州不之知也既明日永州問梅

庭所在原銷詭以對永州驚且疑亟收其侍者盛嚴
拷之卒以說應永州乃悟乃大悔邑人張衆議簡爲

作傳諸大夫士爲作詩作文哀之諸儒者作縣志云
其閑達個儻藝瞻而不群下筆數百言皆粲然可觀
死于群僕之讒人至今哀之予聞梅庭性行最明爽
然議論英發事父母謹畏於大母包允孝敬處弟愷
弘道交善然嫉惡過嚴人有不善若將免焉有過輒
面斥之與人交洞見肺腑久而彌篤人有難必赴之
里族中事有不平義激於衷然負氣自高謂天下事
無一難者其志翛然下上乎古人故於人多忤梅庭
生成化丙戌十月十有四日卒弘治癸亥三月十有
八日取蔣氏孀居柔惠子男二絢純女一梅庭卒之
明年絢與女俱殤統更名中孚進爲國子生積學有

待善屬文徐氏將藉以昌大孫男一應嘉聘翰林編
修王君同祖女中孚痛梅庭卒葬之不皆成禮改爲
之持其友沈翰卿狀徵予銘予與中孚交有年矣不
忍聞若考忍銘若考邪銘曰

其英可過也而粹不可過也其愛可奪也而恭不可
奪也其玉不可獻也而可韜也其蘭不可佩也而可
操也

大中大夫陝西布政使司左叅政陸公墓志銘
嗟乎君子之遇不遇莫可逆覩也予於陸公感焉公
諱溥字原博浙西錢塘人也仕爲兵部職方司主事
進武選司員外郎武庫司郎中改武選司進江西布

政司左叅議可謂遇矣乃後吏部以薦以按察副使
請不報復請復不報復又請復又不報復又請者四
復又皆不報乃後又以薦以叅政請不報復請復不
報復又請復又不報復又請者再復又皆不報乃後
始遷陝西布政司左叅政不可謂不遇也狀曰公高
祖茂宗曾祖安連祖澤州知州偉寬大而惠有遺德
于澤父清河縣知縣鎰諒而直所至攸懷毋胡氏公
生八歲對客善屬對又八歲能屬文遂以文鳴于杭
既弱冠舉于鄉正德戊辰登進士歲己巳逆瑾擅權
賊流劫齊魯趙衛逆繇起靈夏百府職方稱難公因
事籌畫動中機宜司馬卿倚如左右手疏奏皆屬公

有聲于職方瑾誅以瑾連坐者不下數千人公白于
上原之壬申攷績 敕進承德郎 封母及妻黃氏
皆安人癸酉澤州公壽八十例 賜階一級甲戌公
與給事中溱御史倫奉 敕覈京營諸兵馬京營諸
兵馬素避於豪右懸其籍公曰此不可報平生耶乃
盡括之豪右歛衽謝然竊銜之乙亥胡安人卒己卯
毅皇帝南巡公與諸省郎伏 闕乞留不報辛巳攷
績 誥進奉政大夫封清河公官如公 贈母 封
妻皆加宜人江西兵燹既訖財賦亦蕃公既奉 敕
理儲乃下其令曰必去而姑息必杜而覬覦故速者
復漁者斃

今上改元詔復先朝爭臣賜公奉一級塗有負
固者有司莫能下號召至千人將爲亂巡撫都御史
以分守屬公往擊之賊方熾我軍拒守無策公出奇
兵掩之不旬日面縛數百人以歸而議以其地爲峽
江縣安福豪族強娶新寡婦新寡婦自經死公按之
誅強娶者旌新寡婦吉安賊盜官帑較奪若干人數
年矣皆不盜官帑公讞而釋之甲申例賜封君服
如公丁亥聞封君病欲引去不可乃假以事歸省焉
嗟乎擢公薦公屢矣公益勵遷公不果亦屢矣人曰
街者之中傷之也公不以爲然不賢矣哉旣遷陝西
以親不卽去明年始去至靈寶忽一疾卒年才四十

有五也予聞公平恕而樂易不求異於人而人自不
及於人無失言失色人樂與之至與權貴交屹然不
可阿欲報澤州公嘗乞移封不果事父及繼母林
氏起敬起孝如不及周卹內外諸姻戚以季園不周
至居官廿年惟愛古經史不以生產係心所爲詩文
典則如其人公生于成化甲辰正月乙卯卒于嘉靖
戊子五月丁酉子男二相吳出槐側室徐出皆業儒
女二長適餘杭縣學生畢德次聘大理卿陳公次孫
文瀚封君將以其年某月某日葬公玉岑之原奉水
部郎中邵公狀介大行人吳公屬予志銘予與公同
年素交公是忍志公惟公矯矯本兵翩翩行省究心

時務奮志民猷賢矣哉顧未竟其施而嗇其壽是恣

銘公銘曰

厥起洋洋厥鳴琅琅厥趨鏘鏘厥卷茫茫厥垂章章以莫不臧

明故湖廣按察司副使蕭公墓誌銘

胡氏曰皖有灊江有廬斯賢哲所由出歟鬱磅礴之氣挺卓犖之才造化所不秘按察副梅林蕭公固其人歟予聞公幼而穎異長而嚴毅能文章達於政事所至籍甚竟其所造固公輔器也而乃止是惜哉予友公有年矣已不忍悼公又何忍銘公按戴氏公諱世賢字若愚泰和人也梁祭酒子雲之後學者稱爲

和林子世居翰溪故稱翰溪蕭氏曾大父旭衡太父經父俊彥世爲翰溪右族俊彥公公客遊江淮喜桐城山水之勝因家焉故又稱樅陽蕭氏公七歲能日記千言屬對驚人人目爲奇童公未弱冠卽工舉子業與習舉子業者咸避謝不敢並桐城方令一見卽知爲奇士邑中業舉子者覓相友善遂選爲弟子員此試於監司卽冠多士與應選者亦咸避謝不敢並中丞見素林公坦洞彭公一見皆稱爲奇士乃後從學於赤城秦公乃後聞巴陵夫子遂翁徃從之遂卒業焉學業乃大進弘治甲子舉於應天居上第明年遂登進士丙寅授四川重慶府推官公至郡究心法律

嚴明而剛斷居三載未聞有寃獄政暇親授經諸士
子諸士子多所成立以薦擢南京刑部廣東部主事
刑部廣東部稱難公至部政愈簡法比愈精公愈厲
居年餘未聞有留獄公乃益肆志於經史學益大有
得進河南部員外郎正德壬申考績封公父主事母
劉太安人妻劉安人如 制公在部法比既精訟款
復當進廣東部郎中而譽愈廣留都郎署稱良者歸
公焉癸酉太安人卒公哀毀踰禮服闋復除南京工
部營繕部未幾改南京刑部山東部未幾復廣東部
微公弗克於廣東部微廣東部弗克於公當路必用
公公不已至乎戊寅封君卒公聞訃殞絕匍匐奔歸

凡筮祭一循家禮服闋改除刑部雲南刑部雲南
部稱難當路乃留公公不益重乎壬午奉 勅錄湖
藩訟獄公至湖凡讞若獄必覈若顛末廉若左證多
所平反人至今稱之詳載答天戒錄中進浙江嘉興
府知府嘉東南首郡也當路乃授公公不愈重乎公
至郡即考前守楊公承芳之政而行之曰守嘉不如
楊非守也因扁郡前堂曰楊公公鷄鳴而起孳孳於
治郡不夜分不寢百務皆欲整肅一事不就矩一人
不就列不但已公牘紛沓民事叢脞公剖判如流吏
胥不得售一辭禮重賢後不啻若已有觸物興懷亦
未嘗廢述作居五載錢穀綜覈祠祀嚴秩黌校興起

獄訟欽明士習崇古民風敦厚浙治郡嘉禾稱首焉
嘉人謂公事上以敬亦以直下士以和亦以節交下
以介亦以惠信然故當道交薦公故頻年嘉禾瑞麥
生瑞蓮出秀水見嘉人咸以歸公公避謝不肯當戊
子考績中道擢湖廣按察司副使兵備柳桂公省墓
於桐城於秦和將之任竟以治嘉勞瘁之疾不瘳竟
卒疾將革顧其弟正科世瑞曰銘吾墓必屬之可泉
予聞之與世瑞哭不覺失聲顧予何克銘公於乎瀟
其顛乎廬其循乎賢哲其已乎公性嚴整服飾動止
多脩潔好讀書工古文辭文學山谷詩亦學山谷後
選詳載梅林集中公生於成化戊戌十一月一日

卒于嘉靖戊子八月十日于粵四年律冲軒皆業備
女五長適其次適其餘俱幼俱許聘矣世瑞將以其
月某日葬公翰溪之原介鄉進士沈銓庠生曾丙陳
憲持鄉先生戴氏狀托予銘為之銘曰
嗟彼鳳兮矯矯于數兮鏘鏘于庭兮噦噦于岡兮翻
翻于溟兮其惟末世之靈兮

明贈晉夫人院氏墓誌銘

晉王有夫人曰院氏太原析人也嘉靖辛卯夏六月
甲子卒王哭之慟謂弔者曰院事我三十年猶一日
恭而有度今已矣冬十有二月王命馬左史朋持狀
徵予銘弗獲辭按狀夫人之父曰文舉例授冠帶是

生夫人夫人生而貞淑寡言笑歲丁巳徵入宮即諱于禮節事 母妃彭唯謹事主唯謹事妃殷唯謹母如鍾愛之如女云及御于王宮中事無大小衆寡咸委于夫人夫人亦委身任之不辭嘉靖戊子王乃馬夫人上疏曰臣母妃性簡嚴諸嬪皆不獲母妃獲母妃者唯院氏女院事母妃膳必精衣必潔母妃寢疾院朝夕侍不少懈不食不寢湯藥必嘗而後進母妃疾且董謂臣曰侍我起敬起孝者是子官嬪無慮數十人能適我心者是子盍請于 朝封之臣謹識之不敢私臣敢以夫人請

夫人上疏曰院事母妃孝事臣及妃恭臣不敢蔽臣敢以夫人請

天子又下其疏于宗伯宗伯奏以例不可夫人卒之年王念夫人宮中無大小衆寡咸念夫人王又為美人上疏曰院事母妃孝事臣及妃恭今已矣而母妃之言猶在臣謹識之不敢忘臣敢以夫人請

天子又下其疏于宗伯宗伯奏以院不事 懷王妃孝妃必不以請封托于王不事王及妃恭王必不以請贈屢于

上院今已矣而王請益力不阿院矣贈以夫人不可不請敢以請

天子若曰如宗伯言贈之可也其贈院爲夫人不爲
列宗伯下其奏于山西行省山西行省啓于王王拜
手謝曰可以酬若孝答若恭矣毋如之目可以瞑于
九原矣夫人生于弘治己酉夏五月庚午年四十有
三嗟乎夫人果賢矣我王何于夫人若是篤也夫王
長于詩書止于禮義近代 藩王無如王賢者夫人
不孝而王寧悽悽乎夫人不恭而王寧切切乎或曰
王之賢夫人爲之也君子則曰夫人之孝且恭王爲
之也歲壬辰春二月庚子王將葬夫人于岡頭之原
王哭之慟謂祖者曰某冠某裳夫人所爲也其膳某
羞使夫人在必修且腆也聞者感嘆于是親陸司成

爲之表親續宗爲之銘云銘曰

官壺翩翩一身三千事主盡年殊典自天奠于南

明故四川萬縣學教諭魏先生合葬墓誌銘

先生姓魏氏諱昇字啓昭隴西秦州人也成化弘治
間秦州多才俊之士人以豪傑自負下視他郡邑他
郡邑亦推讓不敢稱並予爲童子時乃聞秦州有魏
啓昭氏人莫不以豪傑相許而先生亦自負焉先生
年十有五而爲州學生年十有八以應舉試于省御
史列爲第一面許之曰勉哉勉哉他日當爲秦中豪
傑後累舉于鄉不第弘治壬戌有司貢于京師爲國
子生屢舉于京師乃復不第噫白吾非不能爲時文

取科第而吾竟不第者抑有命乎孰謂科第不能厄人邪乃試于禮部仕爲四川岳池縣學訓導里中父老聞之曰魏先生積學士也雖不能自成苟淑諸人必有成者庶不負魏先生耳至岳池謂諸士曰吾亦能時文而竟不第然吾可不以時文教爾諸士子乎旣諸士子見先生所爲文無不推讓于是予同年石大理天柱馮太守馴諸君子相繼而取高第于是蜀中當道諸君子皆加禮遇而予同年熊御史相獨薦先生爲蜀學職之最云旣吏部以先生教人多能成立陞萬縣學教諭而教亦加于岳池焉諸當道重其爲教乃命攝岳池縣事岳池縣事咸就緒乃命攝

萬縣事萬縣事咸就緒乃命攝營山縣事營山縣事咸就緒於是蜀中乃益知先生亦有善政云旣九載秩滿嘆曰吾能教乎而何以教稱吾能政乎而何以政稱吾不能自立然亦或能立人吾可以歸矣萬縣諸士子聞之白于當道限留之不可諸當道聞之復限留之亦不可予同年黎御史龍獨許之曰魏教諭端也其律已也慤也其誨人也其歸薦紳所當推與者也蓋許之歸遂歸歸之日諸士子攀送者相繼于道人以爲不可得云旣歸于鄉鄉後進諸士子尤以時文質難于先生而先生亦不倦焉嘉靖己丑壽七十有五乃十月十有七日卒配王氏父曰亮亦右族

也勤儉稱于眷戚多助于先生嘉靖壬辰壽七十有三乃四月十有一日卒生女一歸揚得山按譜先生始祖世昌子仲賢以人才仕爲監察御史貞隱德于農貞生俊以國子生仕爲清河縣丞有惠政清河人稱之配王氏生先生又有室曰張氏父桃源縣丞文振張生子二曰九卿曰九牧女二一歸侯遜一歸劉定字十壬辰十有一月二十有八日合葬先生王氏于廓東北山之麓新塋九卿之室于予亡室宜人爲女弟九卿乃介郡學生姚德徵氏徵予銘予敬仰先生是爲銘銘曰
嗚而起坦而止奕世其克祀

明故 勅贈孺人盛母墓碑

盛母姓張氏安慶桐城人也 封文林郎監察御史梅塘翁儀之室巡按陝西監察御史古泉子汝謙之母而隱君張翁伯暹之女也盛張皆桐望族張隱君有潛德母自幼整而素蒙竒其不群翁澗松公聞而聘之隱君曰吾方擇婿今得盛氏詩禮攸托矣母既歸 封君恭順嚴恪幽閑貞靜有女範焉翁姑重之曰盛氏其昌乎是在仲婦伯氏隆豪邁不羈澗松翁欲令析居 封君泣諫於舅母泣諫於姑切切焉澗松翁竟析之曰是所以教隆也然於所分授者封君與母悉辭之既伯氏早卒 封君葬以禮而逝

養其嫂與孤嫂亦早卒遺孤五皆少也
之極者抱之衣食恒先侍御兄弟及成也皆昏嫁焉
 故諸孤有至班一不知其失倚者叔氏德既舉為鄉
 進士亦早卒毋一孀孀偕處懇懇然如女弟而鞠其
 女亦如伯之女故孀孀居三十有六年年踰六袞亦
 若不知其苦者有司表之

詔旌其問焉考之狀 封君宏達爽凱然輕財好施
 眷戚之貧不能昏葬者皆助之踰十數家而又樂朋
 遊喜僕從費多不貲固未嘗錙銖校故或匱乏孺人
 則計其出入盈縮黽勉以助之不墮 封君封君
 觸怒孺人無引匿而不懟當舅姑大事與 封君
 心力焉然意踰於禮也辰必戚誕辰亦不



堂日令灑掃而晨參之歲時伏臘祭奠之如家禮鄉
 問曰是詩禮家範也遇諸姑以恩贖必饋之而尤愛
 汪甥賈士然不苟令侍御受學焉而侍御亦養其孫
 甥樸教之為弟子員待諸姨亦如其姑石呂二姨實
 尤加意焉諸舅氏爭產毋勸之曰盍觀梅塘君之處
 若兄弟諸舅遂罷爭侍御君出就外傳歸必叩其所
 得侍御日孜孜焉侍御君偶說內則毋奮然曰是所
 以齊家也盡改家法之不如則者而家益肅侍御君
 讀書書舍中時携飲饌視之見侍御勤苦則勉之曰
 是學也後必大初吳參知檄受學於叔氏鄉進士叔
 氏奇之與求昏於陸姨弗允孺人每告以叔氏知人

吳生後必貴乃許昏而吳果登進士官至秦省參政
侍御受業師詩人也孺人課紡績至老不知倦中饋
必潔所着衣多補綴絕不事華妍御諸子姓必誠以
奢與放諸子姓兢兢焉然未嘗不遇以恩義嗟乎孺
人助 封君以儉勤慈嚴起家不媿於女則至識進
退存亡之故而善教侍御君為皖名士則女中丈夫
也故至今偶言孺人懿行 封君輒掩涕焉嘉靖丁
丑侍御君舉於應天孺人病疽中聞之而起侍御君
拜床下孺人喜謂之曰吾每有佳兆曾夢中見雙鶴
翼爾中天爾後必大爾勉之疽且愈以胃虛不食顧
侍御曰爾盍北上舉進士侍御不對則曰爾孫姊可



有六辛丑侍御君歿進士孺人雖不及見然心已知
之矣孺人生弟子員汝正先孺人卒取倪卒亡嗣歿
卯侍御君拜行人司行人丙午擢山西道監察御史
以

太廟成請貤封封侍御文林郎 封君如侍御官與
階而 贈母孺人拜

勅命焉侍御君子男四女三取 贈孺人王生世臯

世瓊皆弟子員繼取 封孺人房生世楫世霖女皆

許聘宦族梅塘翁卜明年四月十日遷葬孺人授子

山新塋侍御以續宗昔守皖有一日之雅馳狀屬之

銘嗟乎侍御君積學積行自齠年已知其不凡其所造遠大必如所兆當濟美朱司農而孺人之贈未涯也銘曷辭銘曰

伯氏有孤非我孰毓叔氏有孺非我孰復孤安所止而忘若睦嫠安若節而忘若穀柱史昂哉

龍勅龍光 封君樂康孺人發祥桐有盛氏盛有傳氏無忝於古類氏孟氏

明故 贈孺人盛室王氏墓志銘

孺人姓王氏桐城人監察御史盛君亨甫之室也父貢士介江君亭世居羅塘坂業農坂之人歲仰給於貢士家著姓於羅塘而貢士則業儒折節而耆學焉

德丙寅二月十有七日孺人生嘉靖甲申孺人歸于盛氏庚子正月二十有八日孺人卒明年乙酉四月十有一日將遷葬孺人於戲悼內之情頗戚而士大夫多懼此侍御君及予皆不免傷哉盛孺人年三十有五亡室年三十有二侍御猶悼於梓里予乃悼於宦邸亡室見予登進士猶被 封盛孺人未見侍御登進士乃被 贈盛孺人介江貢士愛女亡室亦予甥王貢士愛女而閑於女則略同而皆不壽哀哉侍御君違盛母孺人於領薦初予違養先淑人才七歲爾因與侍御君相痛悼遂及孺人侍御乃自為狀屬予銘於戲忍銘邪按狀初 封君梅翁見侍御君

學有成乃議昏聞介江君之室人稱為女君子曰人皆知擇婿而不知擇婦然擇婦當視其母其著之得夫卦曰揚于王庭乎號有厲告自邑不利即戎利有攸往因聘之乃後縣尹蔡進士銳重侍御學行俱優特為薦薦勉侍御親迎焉而介江子不能違孺人既歸盛氏或謂王富家盛儒家王能執婦道乎而孺人執婦道愈於儒家婦盛母孺人曰將謂仲婦驕而逸今却謹勅吾家方中微賴之昌大者仲婦也 封君梅翁性豁達而厚親黨好施而又好客且多僕孺人極力應酬之終身曾不告乏盛母孺人家範秩秩孺人敬承之亦秩秩盛母孺人躬紡績僕僕不休孺人

紡績亦僕僕不休盛母孺人隨

封君梅翁歲時行

家禮孺人亦隨侍御行家禮敬諸姑氏而尤敬貞婦

倪敬諸姊氏而尤敬孀婦孫孫之孤撲鞠於侍御君

孺人視之不啻如已子介江貢士止孺人一女以相

距遠欲 封君梅翁移田於其沃地孺人曰人各有

世產可為其他徒慎勿聞於明姑有庶弟二每托侍

御教之使繼介江侍御君年將三十以未第進士偶

言及朱會稽未貴時事孺人曰君當勉為買臣某不

知世亦有若婦忽督傳及讀書者近至侍御君償其

需弗及孺人即解所佩簪珥足之無難色見侍御君

誦讀不間晝夜曰吾聞學猶織也不可斷也君能不

斷是學也侍御君舉於鄉孺人喜且哀曰始聞子捷喜甚然疽苟不瘥如戚何及盛母孺人卒孺人以哀毀竟成疾三年遂至不起而侍御自登進士拜柱史以來未嘗不悼孺人也丙子以

太廟成勉恩勅贈孺人而夫之占應矣孺人柔順幽閑其性也而甘清苦寡言笑事 封君 贈母懇至相古泉子勤恪待姻黨和易遇僕婢嚴而慈克盡儒門婦道足範閭里人亦稱為女君子諒哉子男二世臯世夔皆為弟子員皆聰穎力學與繼室房之子世楫世霖相友愛人不知為異母兄女三長曰順穎異不凡卒於室次一歸汪省郎子彭年一歸趙給舍

子養吾其慈則換于山之陽也銘曰
所求乎婦不媿乎夫不媿乎男與姑何媿乎吾
龍勅徐徐鸞域于于

明河南南陽縣學訓導胡仲子墓志銘

胡仲子予弟正宗也字中甫自稱二洲子言龍華二水洲合如汴為秦環帶而吾墅適當其端云予家世居隴西其先漳人又云金人高祖處士府君諱鈞始至秦乃為秦人曾祖八表府君諱海曰農起家樂義而好施祖通議府君諱璉曰貢士拜畿內南皮知縣九載如一日其政思致仕

贈都察院右副都御史父司封府君諱士濟官正四

川雙流縣學教諭以恩義稱蜀都見知當路致仕

封南京吏部郎中

贈都察院右副都御史毋李

贈淑人呂貞靜立家乃生中甫成化甲辰二月廿日也丙午秋先大夫貢于

京方勵志卒業而先淑人病矣先大夫嘆曰已不舉于鄉復不獲舉于京乎而先淑人果不起先大夫既失助予兄弟又俱幼乃以學職請乃拜成都縣學訓導因送禮乃魁予兄弟以行而予兄弟且病瘧先大夫憐予孀孫孺人恤中甫既厚先淑人乃至成都私治初先大夫收憐為中甫正句續為予解章句

予兄弟乃稍知誦誦既先大夫考績遷垣學教諭越復雙流皆中甫隨付之至雙流中甫乃始發憤自學曰吾長矣予盍百倍其力乃從李舉人嘉賓學無間祁寒盛暑學既有得正德庚午提學憲臺悅其文令補學官增廣生命舉于省不第乃食之廩是秋予自翰林謫判嘉定復携中甫入蜀而奉先大夫嘉定為集嘉佳士王舉人表彭司諫汝寔五人與中甫學予遷守潼川亦集梓佳士白侍御賁三人復與學而予時亦課之中甫乃能工古文辭癸酉秋劉司馬予與天和臣侍御監試中甫復不第及檢副卷中甫亦與選惜數不及爾乙亥夏予復南京省郎奉先大夫及

封太淑人趙母歸乃留中甫侍焉丙子秋中甫復舉
復不第而學亦力又教諸弟子員兄子禧補襍耕兄
孫蒞芝日課經史不輟已卯秋中甫復舉復不第
人謂教分其學中甫曰學未至爾乃後復三舉復皆
不第乃益教諸弟子員從弟統宗兄子樹松祝弟子
祈袷兄孫葵不懈初命禧學禧曰孤貧辭中甫贍之
乃始學今與補輩皆成立嘉靖乙未有司奉張少傅
所建例嚴選諸貢士中甫與選焉既貢于京
廷試之名乃居前及請學職名復居前例止拜訓導
而任河南南陽縣學衆惜之中甫曰命也至南陽曰
吾非能教人吾欲不墜先業及課吾子如予兄弟成

者爾乃日風節勵諸士子勸學修節
之詩諄惟督諸士子學舉子而業生味果
召恩義遇諸士子忠信迪諸士子猶先大天
巡撫鄭臺都御史路公迎曰典教而廉吾今日
陽禮獎之

唐王及諸宗室及諸麗長見中甫勵節感優遇焉
承休王陳節推鳳過之尤厚每接見降顏色中甫
不敏 王與陳過益篤故

唐宗室宛察佐咸曰吾未見文學不輕取如二州子
者吾未見不且其兄中丞少見之色如二州子者時
予自海岱撫臺遷總河矣巡按汲臺侍御陶君欽夔

按汝南攷數中甫文可觀乃不令他訓導署學而特與之中甫中甫力辭之乃且其廩餘貽中甫且禮獎之曰吾將風諸文學也任南陽垂四載巡撫鄭臺都御史三公以旂戴公特宗巡按汝臺侍御宋君大本陳君蕙咸稱中甫廉而謙如路公亦皆禮獎之庚子春予自汜臺巡撫免歸中甫追送於鄭予猶冀其遠到也而不知其遂永別矣於乎痛哉壬寅秋中甫偶病痢或授以峻劑既知其誤乃作書報太泚人及予曰吁吾未及終養吾母吾未及侍吾九子既老吾不幸年五十有九而卒卒又于宦邸亦如國子兄繼宗而諸兒初被與諸生襁挾不及見其舉也蓋命

也然有伯兄及季弟並望在宗在也九月十有九日乃卒予受書不忍讀與敬甫及諸兒位而哭及歸於中官民大夫士袒送屬路而鄉人莫不嗟悼曰三洲子剛毅倜儻有若祖八家公若叔公今尹君之風固宜遐壽乃詎止是邪諸從游士子與諸親黨悼惜之尤慟曰學生胡叔子因甫未舉早卒今仲子中甫官未成亦半日以卒此豈非命哉中甫娶盧氏盧氏劉乃生祕約約尚少也祕約復從予子被學似可嗣中甫者而盧撫三子恩義獨至不媿古孟母中甫年四十有三始生祕約今有子曰長慶中甫有知當會哭地下也然中甫處三至情分俱當其宜不峻不隨

彼此白首無間言而慮盡照劉翼翼不啻如女兒弟
鄉人莫不難之中甫內兄之子京夫妻皆早卒遺女
甫七歲中甫携以屬慮曰爾孫也善鞠之既成人則
禮嫁從兄縣丞紹宗之後不啻如孫慮父母偕老
其卒也皆中甫為之棺斂不啻如父母而遇諸親黨
類如是是宜遠到乃誣是邪於戲痛哉予與祕約
卜守歲有十二月乙酉以曆中甫于先大夫第次乃
命予子初為之狀而予之四之銘予戲于何能銘吾弟
耶蓋曰教于其家以及卒其官維塾安安維校乾乾
世務其闡維吾子孫歆有攸於南門其親長山

明故鄉貢進士姜伯常墓志銘

伯常姓姜氏諱汝奇其先隴干人也七代祖信徙秦
十居縣西之兔坡有子曰克全克全有子曰熹熹有
子曰士剛士剛有子曰禮遂皆為秦人弘治間子嘗
侍禮于庠為鄉飲賓質朴有古人風可以考知其先
世也禮取王氏禮有子曰讚實與子同為學生以禮
記名家未成名卒讚取安氏讚有四子汝奇其長也
伯常七歲受禮記即知句讀父奇之曰姜氏其自乎
家貧飯蔬食日誦讀不輟父之執奇之曰姜氏其興
乎嘉靖初選為學生視學按察今司馬唐公見所為
舉業曰是子才弱冠而文思豪逸若此秦有可泉有

之川嗣之者其是子乎乃嘉靖戊子舉于鄉爲鄉進士于是鄉人驚且嘆曰尚忠嘗於歲飢活其族兄之子西譽德乃鞠其女弟之女張氏昏嫁焉乃今而有伯常也然司馬公之言驗矣明年己丑舉進士不第伯常乃益肆力於學曰吾父困於學吾不力學吾何以慰吾父將卒業國子乃不携家或勸之曰吾母在堂吾奚以家爲旣至京師苟得嘉品必寄以奉母時寄語其妻董氏曰必善事吾母又明年壬辰舉進士復不第乃復留京師而學益力曰吾見漁石稱可泉之川也吾見大復稱可泉之川也吾不爲可泉之川吾見矣以爲耶夫之川尚矣予何足言又曰吾不逮吾

父矣吾見可泉榮若翁也吾見之川榮若室也吾不見進士以榮吾毋非夫也居京師益貧而學益力僕見其備於學勸之伯常誦讀如故醫見其病於學藥之伯常誦讀如故乃遂得疾遂不起嗚呼傷哉乃幸有其弟汝學也伯常嘗慮事其伯父誠嘗事其母疾藥必嘗夜必不解帶嘗敬其庶母如其母撫其庶弟如其母弟嘗於西墅縱一偷兒而不暴偷兒名若伯常宜其永年也而乃止是嗚呼傷哉乃幸有其子畝也伯行力學不在伯常下足以榮若母以報伯常伯常事母厚又安知畝不足以嗣伯常邪伯常卒時年才二十有八耳生正德丙寅八月七日卒嘉靖癸巳



二月十有三日伯行卜於其年十有二月四日葬伯
常於其西墅先壙乃以里閤之故徵予銘銘曰
嗟嗟姜伯子鍾於此爰於此名於此嗟嗟姜伯子

烏鼠山人小集卷之五





